

**Talamdan sa
Mga Mensahe alang sa Full-time Training
sa Spring Term sa 2023**

**LINANGKOB NGA HISGOTANAN:
ANG MAHINUNGDANONG MGA PUNTO SA KAMATUORAN SA MGA SULAT NI PABLO**

Mensahe 8

Nahikay ug Nahingpit ang Tulo-usang Dios aron Mahimong Balaod sa Espiritu sa Kinabuhi nga Gitaod sa Atong Espiritu alang sa Lawas ni Cristo

Basahong Kasulatan: Rom. 7:15—8:4, 6, 10-11, 16, 28-29; 12:1-2, 11

- I. Nahikay na ang Tulo-usang Dios pinaagi sa pagpakatawo, pagkalansang sa krus, pagkabanhaw, ug pagkayab ug nahingpit aron mahimong balaod sa Espiritu sa kinabuhi nga gitaod na sa atong espiritu ingog “siyentipikong” balaod, awtomatikong prinsipyo ug diha-dayong gahom; usa kini sa kinadak-ang mga nadiskobre, mga gipahiuli man ngani, sa pamatigayon sa Dios—Rom. 8:1-4, 10-11, 34, 16.**
- A. Ang pagpahimulos nato sa balaod sa Espiritu sa kinabuhi sa Roma 8 maoy magdul-ong nato sa realidad sa Lawas ni Cristo sa Roma 12; nagbuhat kining balaora sa sulod nato sa pagkinabuhi nato diha sa Lawas ug alang sa Lawas—8:2, 28-29; 12:1-2, 11; Fil. 1:19.
 - B. Ang tibuok sekreto sa pagkinabuhi ug pag-alagad nato diha sa Lawas ni Cristo mao ang balaod sa Espiritu sa kinabuhi, nga nagbuhat sa sulod nato:
 - 1. Ang balaod sa Espiritu sa kinabuhi naghimo natong Dios sa kinabuhi, kinaiya, ug pagpadayag apan dili sa ranggo sa pagka-Dios, nagporma nato sa dagway sa panganayng Anak sa Dios aron mahimo tang hiniusang pagpadayag Niya—Rom. 8:2, 29.
 - 2. Ang balaod sa Espiritu sa kinabuhi nag-umol nato nga mga bahin sa Lawas ni Cristo nga dunay tanang matang nga kagamitan—Efe. 4:11-12, 16.
- II. Aron masinati nato si Cristo nga nagpuyo sa sulod isip balaod sa Espiritu sa kinabuhi, kinahanglan makita nato ang tulo ka kinabuhi ug upat ka balaod sa Roma 7 ug 8:**
- A. Naa sa atong kalag ang linalang nga tawhanong kinabuhi nga dunay balaod sa maayo; naggikan kining balaora sa natural nga tawhanong kinabuhi, sa ato pa, sa tawo mismo—7:21-23; Gen. 1:31; Eccl. 7:29.
 - B. Naa sa atong unod ang daotang kinabuhi ni Satanas nga dunay balaod sa sala ug kamatayon; naggikan kining balaora ni Satanas, nga nagpuyo sa unod sa mga magtutuo ingon nga sala—Rom. 6:6; 7:15-20, 23-24; 1 Juan 3:10; Juan 8:44; Mat. 13:38; 23:33; 3:7; Rom. 3:13.
 - C. Naa sa atong tawhanong espiritu ang dili linalang nga diosnong kinabuhi nga dunay balaod sa Espiritu sa kinabuhi; naggikan kining balaora sa Dios, nga nagpuyo sa espiritu sa tawo isip Espiritu—8:2, 9-10, 16; Juan 1:4; 10:10; 14:6; 1 Cor. 15:45b:
 - 1. Dunay balaod ang tanang kinabuhi ug balaod man ngani kini; ang kinabuhi sa Dios maoy kinalabwan, ug ang balaod ning kinabuhia maoy kinalabwang balaod—itandi sa Juan 1:4-5; 12:24; 14:6; 10:10; 1 Cor. 15:45b.
 - 2. Ang balaod sa Espiritu sa kinabuhi mao ang awtomatikong prinsipyo ug diha-dayong gahom sa diosnong kinabuhi; kini ang natural nga kinaiya ug ang tiunay, awtomatikong kagamitan sa diosnong kinabuhi—Rom. 12:2; Fil. 2:13; Ezeq. 36:26-27; Isa. 40:28-31; Heb. 12:2a; Fil. 4:13; Col. 1:28-29; itandi sa Prov. 30:18-19.
 - 3. Sa nadawat nato ang Ginoo sa pagtuo nato Kaniya, nilihok Siya isip balaod sa Espiritu sa kinabuhi aron ipaambit ang Iyang Kaugalingon isip diosnon, dili linalang nga kinabuhi sa Dios (Gk. *zoe*) nganhi sa atong espiritu; makita gyod unta natong tanan ang dakong pinadayag nga labing menos usa ka bahin sa atong pagkatawo, ang atong espiritu, *zoe*—Rom. 8:10.
 - 4. Ipatumong ngani nato ang atong salabotan sa espiritu, mahimong *zoe* ang atong salabotan, nga nagrepresentar sa atong kalag (v. 6); ikapaambit sab ang *zoe* pinaagi sa paglihok sa balaod sa Espiritu sa kinabuhi nganha sa atong lawas nga dunay kamatayon (v. 11); sa ingon niini mahimo

tang mga tawo nga *zoe* sa tibuok pagkatawo nato nga may tulo ka bahin aron mahimo tang syudad nga *zoe*, ang Bag-ong Jerusalem (Bug. 21:6; 22:1-2, 7, 14).

5. Sa kataposan, andamon ta ning kinabuhia nga mahimong pangasaw-onon ni Cristo, nga makapabalik sa Ginoo ug maghatod nato sa sunod nga panahon; tungod niini, ang mahinungdanong gipunting sa Biblia ug sa uniberso naa sa Roma 8.
- D. Dugang ning tulo ka balaod nga naa sa magtutuo, naay kasugoan sa Dios sa gawas niya—Rom. 7:22, 25.

III. Mobulig gyod ta sa nagpuyo-sa-sulod, gitaod, awtomatiko, ug nagbuhat-sa-sulod nga Dios nga balaod sa Espiritu sa kinabuhi sa pagpakigsultianay nato Kaniya aron mamintinar ang pakig-ambitay nato Kaniya; ang pag-ampong makakontak sa Dios hinimo man sa mga pulong nga kinasingkasing gyong gisulti—10:12-13; Gen. 13:18; 1 Tes. 5:17; Efe. 6:17-18; Fil. 4:5-7, 12-13; Sal. 62:7-8:

- A. Dunay alawitong niingon nga, “Segun sa akong kahimtang” (*Mga Alawiton*, #1048); nagpasabot kini nga moduol gyod ta sa Dios segun sa atong kahimtang nga dili maningkamot sa pagpamaayo o pag-usab ba sa atong kahimtang; nadawat nato si Cristo sa ingon niini, ug maggawi gyod ta diha ni Cristo sa ingon niini—Col. 2:6-7a.
- B. Ang pag-ampo pagduol man nato sa Ginoo segun sa atong kahimtang; inigduol nato sa Ginoo, ipadayag gyod nato ang atong kahimtang sa sulod sa Iyang atubangan ug sultian Siya nga nakulangan ta sa tanang bahin; bisan pag maluyahon, naglibog, nasubo, ug naamang ta, makaduol gihapon ta sa Dios; bisan unsa pa ang kahimtang nato sa sulod, dad-on gyod nato kini sa Dios.
- C. Imbis magtagad sa atong kahimtang, mosulod gyod ta sa presensya sa Dios aron mokontak Niya sa pagtutok, pagsud-ong, pagdayeg, pagpasalamat, pagsimba, ug pagsuyop Kaniya; makapahimulos dayon ta sa kadato sa Dios, makatilaw sa Iyang katam-is, makadawat Niya nga kahayag ug gahom, ug magmalinawon sa sulod, magmasanagon, magmalig-on, ug magamhan; makat-on dayon ta nga kanunayng madugtong Niya sa mangalagad ta sa pulong sa mga balaan—1 Ped. 4:10-11; 2 Cor. 2:17; 13:3.
- D. Dugang sa pagsud-ong nato sa katahom sa Ginoo, magpakisayod gyod ta Niya (Sal. 27:4); ang magpakisayod sa Dios mosusi man Kaniya bahin sa tanang butang sa adlaw-adlawng pagkinabuhi nato; magkinabuhi gyod unta ang katawhan sa Dios uban Niya nga ilang Bana, kanunayng magsalig Niya ug mausa Niya (Jos. 9:14; 2 Cron. 20:1-5, 12-27).
- E. Naa tingali ta sa sitwasyon sa kasubo, kaguol, ug kahigawad; dad-on gyod nato sa Ginoo ang atong mga problema ug sultian Siya bahin niini; Siya ang labing maayong mamiminaw; nasayod Siya sa atong gibati, ug nisimpatiya Siya sa atong kasingkasing; makahupay ug makatabang Siya nato.
- F. Makaamgo gyod unta ta nga kon duna tay maayong pakigsultianay sa Ginoo ug ibubo ang atong kasingkasing Kaniya, moabanteg usa ka lakang ang pagkasuod nato sa Ginoo, ug labi pa tang makaila Niya; ang suod nga pakigkontak sa Ginoo ning mga panahona gatosan ka pilo pa kamaayo kaysa ordinaryong pakig-ambitay nato Kaniya; pinaagi man ning mga pagkontaka nga motubo ta sa kinabuhi—Sal. 62:6-8; 56:8; itandi sa 1 Sam. 1:15.
- G. Kon wala pa sukad magpatulo og luha ang tawo atubangan sa Ginoo, wala pa sukad mopaambit sa Ginoo sa iyang kalipay o kasubo, ug wala pa sukad makigsultianay sa Ginoo kalabot sa pribadong mga butang niya, wala pa siya sukad makapakig-ambitay sa Ginoo sa suod gyod o lalom bang nakaila sa Ginoo; masuod lang ta sa Ginoo pinaagi sa pagsulti nato Kaniya sa tanang butang.
- H. Mosimpatiya Siya sa tagsatagsa ka problema nato; andam nga mopas-an sa tanan natong kabalaka ang atong Ginoo, ug malipay Siyang maminaw sa atong isulti; aron makapahimulos ta Niya nga buhing tubig sa kinabuhi, sultian gyod nato Siya nga espirituhanong bato nato—Num. 20:8; 1 Cor. 10:4; Exo. 17:6; *Mga Alawiton*, #248.
- I. Niingon ang ulohan sa Salmo 102 nga, “Pag-ampo sa tawong gisakit, sa dihang naluya siya ug gibubo ang iyang gimulo sa atubangan ni Jehova”; magmulo tingali ta sa Dios, apan ang pagmulo nato mao tingali ang labing maayong pag-ampo, ang pag-ampong labing makapahimuot sa Dios; samtang nagmulo ta, nagkalipay ang Dios kay gipabuhat man Niya ang tanang butang alang sa ikaayo aron masama ta sa dagway sa Iyang Anak—Rom. 8:28-29.
- J. Rekord ang Salmo 73 sa matinud-anong pag-ampo sa salmistang matinguhaon nga kapandolon na tungod sa kaugalingon niyang pag-antos ug sa pag-uswag sa mga daotan; giisip niya nga kawang ang

pagputli niya sa iyang kasingkasing tungod kay imbis magpahimulos og materyal nga pag-uswag, gi-hampak siya sa tibuok adlaw ug gikastigo matag buntag—vv. 12-16:

1. Nakaplagn sa salmista didto sa balaang puluy-anan sa Dios ang sulbad sa kalibog niya kalabot sa pagkamauswagon sa mga daotan; una, naa sa atong espiritu ang balaang puluy-anan sa Dios, ang gipuy-an Niya (Efe. 2:22) ug, ikaduha, kini ang iglesia (1 Tim. 3:15); ang pagsulod nato sa balaang puluy-anan sa Dios pagliso man nato sa atong espiritu ug pagtambong sa mga tigom sa iglesia ug sa mga tigom sa ministri; diha sa atong espiritu ug sa iglesia mapadaygan ta sa diosnong pinadayag ug makabaton og katin-awan sa tanan natong problema (Sal. 73:17).
2. Tungod sa matitud-anong pakigsultianay niya sa Ginoo ug sa pagsulod niya sa balaang puluy-anan sa Dios, sa kapulihay nahayagan sa Ginoo ang matinguhaon Niya hangtod nakaingon siya nga, “Kinsa may ako sa langit kondili Ikaw ra? / Ug wala koy laing gitinguha dinhi sa yuta gawas Nimo. / Naluya ang akong unod ug ang akong kasingkasing, / Apan ang Dios mao ang dakong bato sa akong kasingkasing ug ang akong bahin hangtod sa hangtod”—vv. 25-26.
3. Tuyo sa Dios sa mga matinguhaon Niya nga makaplagn nila ang tanan diha ni Cristo ug dili malinga gikan sa hingpit nga pagpahimulos kang Cristo; ang kinataposang tinguha sa Dios sa Iyang pamatigayon mao nga ikinabuhi, ipadako, ug batonan nato si Cristo aron mahimaya Siya diha sa iglesia—Fil. 1:19-21a; 3:7-8; Isa. 43:7; 1 Cor. 10:31; 6:20; 1 Ped. 4:11; Efe. 3:16-21.

IV. Mamati ngani ta sa pagbati sa espiritu sa sulod, molihok ang balaod sa Espiritu sa kinabuhi sa sulod nato; ang sekreto sa atong Cristohanong kinabuhi nga kat-onan gyod natong tanan makita sa Roma 8:6, nga mao ang labing importanteng versiculo sa Biblia kalabot sa espirituhanong kasi-natian nato ni Cristo isip balaod sa Espiritu sa kinabuhi—“ang salabotang gipatumong sa unod kamatayon man, apan ang salabotang gipatumong sa espiritu kinabuhi ug kalinaw:”

- A. Ang pagpatumong sa salabotan sa unod nagpasabot nga nidapig ta sa unod, nibulig sa unod, ug niuyon sa unod; ang pagpatumong sa salabotan sa espiritu pagpamati man nato sa espiritu, pagdapig sa espiritu, pagbulig sa espiritu, ug pag-uyon sa espiritu, sa ato pa, pagtagad sa atong espiritu—Mal. 2:15-16.
- B. Mamati ngani ta sa pagbati sa espiritu sa sulod, mosunod sa pagbati sa kinabuhi ug kalinaw sa sulod, nagpasidungog ta sa Ginoo nga Ulo sa Lawas alang sa bugtong-talagsaong lihok Niya; sa pag-alagad sa ebanghelyo ni apostol Pablo binihag siya ni Cristo, nga wala magpadumala sa dayag nga palibot niya kondili sa pagkaanaa niyay “pahulay sa akong espiritu” (2 Cor. 2:13); ang iyang espiritu maoy labing importanteng bahin sa iyang pagkatawo, ug gidominahan, gidumalahan, gimandoan, gipalihok, ug gigiyahan siya sa iyang nasagol nga espiritu (1 Cor. 2:15; Rom. 8:16; 1 Cor. 6:17; 2 Cor. 2:12-14).

V. Sa kinataposan, ang pagpahimulos nato sa nagpuyo-sa-sulod ug awtomatikong balaod sa Espiritu sa kinabuhi naa sa Lawas ni Cristo ug alang sa Lawas ni Cristo sa tumong nga himoon tang Dios sa kinabuhi, kinaiya, ug pagpadayag apan dili sa ranggo sa pagka-Dios aron mahuman ang tumong sa walay kataposang pamatigayon Niya—ang Bag-ong Jerusalem—Rom. 8:2, 28-29; 12:1-2; 11:36; 16:27; Fil. 1:19; itandi sa Gal. 1:15-16; 2:20; 4:19, 26-28, 31; Bug. 21:2, 9-10.